

Uunga siunnersuut: Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat

(Aningaasaqarnermut Naalakkersuisoq)

Akissuteqaat

(Aningaasaqarnermut Naalakkersuisoq)

Aappassaaneerpeqarnera

Akileraartarnermut Akitsuusiisarnermullu Ataatsimiititaliap inatsisissatut siunnersuutip suliarineqarneranut atatillugu peqqissaartumik sulisimanera Naalakkersuisut sinnerlugit qujassutigaa.

Nuannaarutigisannik paasivara siunnersuutip annertunersaa ataatsimiititaliap isumaqatigiissup tapersorsoraa, siunnersuutillu ilai ataatsimiititaliap isumaqatigiiffiginngisai amerlanerussuteqartunit tapersorsorneqartut.

Sulisut avataaneersut aalajangersimasut akileraartarnikkut sumut atanissaannut tunngatillugu allannguutit kingunerisaannik aningaasartuutaajumaartussat annertunersaasa, soorlu aluminiunik aatsitsiviliornermut atatillugu, Landskarsimit nammanneqarnissaat Naalakkersuisut akuseraarpaat.

Sulisut avataaneersut aalajangersimasut naligiissaakkamik pisariitsumillu akileraartinneqarnissaat ilanngaateqartitsinani akileraartitseriaatsimik aaqqissuussinikkut qulakkeerpeqassaaq.

Aamma maanna aappassaaneerinermi Naalakkersuisut sinnerlugit Aningaasarsianit akileraarutit pillugit Inatsisartut inatsisaata allannguutissaatut siunnersuummik allamik saqqummiussissaanga. Allannguut ingerlatseqatigiiffiit aatsitassarsiornermik ingerlataqartut aningaasaliisutaasa iluanaarutisianit akileraaruserneqannginnissaannik imaqartoq ilaatigut attuumassuteqarpoq amigartunik aningaasaliineq pillugu Aningaasarsianit akileraarutit pillugit inatsimmi § 36 c-mi maleruagassanut, nunat tamat inatsisaannit allaasumik sukannersunut. Taassuma erseqqinnerusumik oqaluserinissaanut tunngatillugu allannguutissatut siunnersuut tassungalu oqaaseqaatit innersuussutigissavakka.

Taama oqaaseqarlunga siunnersuutip saqqummiunneqartup, Naalakkersuisut allannguutissatut siunnersuutaat maanna aappassaaneerinermi saqqummiunneqartoq ilanngullugu pingajussaneerpeqarnissaminut ingerlateqqinneqarnissaa Naalakkersuisut sinnerlugit inassutigissavara.